

III - BESTE ADMINISTRAZIO PUBLIKOAK

EUSKO JAURLARITZA

LURRALDE PLANGINTZA, ETXEBIZITZA ETA GARRAIO SAILA

Agindua, 2021eko irailaren 2koa, Lurralde Plangintza, Etxebizitza eta Garraioetako sailburuarena, zeinaren bidez finkatzen baita zer egunetan egingo diren «Aiarako (Araba) Markijanako Hondakin Uren Araztegiaren Aurreproiektua», eta «Laudioko (Araba) Basaurbeko Hondakin Uren Araztegiaren Aurreproiektua» desjabetze-espedientearen eraginpeko ondasunak eta eskubideak okupatu aurreko aktak

Nekazaritza, Arrantza, Elikadura eta Ingurumen Ministerioko Uraren Zuzendari Nagusiak, 2018ko maiatzaren 11n, teknikoki onartu zuen «Markijanako Hondakin Uren Araztegiaren aurreproiektua Aiaran (Araba)» eta «Basaurbeko Hondakin Uren Araztegiaren aurreproiektua Laudion (Araba)».

Lurralde Plangintza, Etxebizitza eta Garraioetako sailburuaren 2021eko apirilaren 22ko Aginduaren bidez, desjabetze-espedientea hasi zen «Aiarako (Araba) Markijanako Hondakin Uren Araztegiaren Aurreproiektua», eta «Laudioko (Araba) Basaurbeko Hondakin Uren Araztegiaren Aurreproiektuaren» eraginpeko ondasunak eta eskubideak okupatzeko. Agindu beraren bidez, informazio publikorako izapidea egin zen, eraginpeko ondasunen eta eskubideen berri emateko (2021eko maiatzaren 12ko EHAA 92. zk. eta ALHAO 51. zk.).

Informazio publikorako denboraldian alegazioak aurkeztu dira, eta behar bezala informatu dira.

Informazio publikoaren denboraldia igarota, Lurralde Plangintza, Etxebizitza eta Garraioetako sailburuaren uztailaren 6ko 174/2021 Dekretuaren bidez, «Aiarako (Araba) Markijanako Hondakin Uren Araztegiaren Aurreproiektua», eta «Laudioko (Araba) Basaurbeko Hondakin Uren Araztegiaren Aurreproiektuak» eragindako ondasun eta eskubideen okupazioa presako deklaratu zen, nahitaezko desjabetzearen ondorioetarako.

Ondorioz, Nahitaezko Desjabetzeari buruzko Legearen 52. artikuluan xedatutakoa betetzearren, honen bidez dei egiten zaie erantsitako zerrendako ondasun eta eskubideen titularrei, adierazitako egunean eta orduan, eta alde zurretik zein bere udalean agertu ondoren, okupatu aurreko aktak egiteko, eta hala badagokio, lurzoruak okupatzeko; dena den, interesatuek hala eskatuz gero eta beharrezkoa bada, lurzoruetara bertara joan ahal izango da.

Egintza horretara interesdunek beraiek agertu beharko dute, edo haien izenean jarduteko behar bezala baimendutakoek, eta titulartasuna egiaztatze agiriak (eskritura publikoak, pribatuak, Jabetza Erregistroaren ziurtagiriak edo ohar informatiboak, eta abar) eraman beharko dituzte, baita haien eskubideak egiaztatze beste ezein agiri ere; hala nahi izanez gero, peritu edo notario batek lagunduta ere joan daitezke.

Era berean, Nahitaezko Desjabetzeari buruzko Legearen 56.2 artikuluan xedatutakoarekin bat etorriz, argitaratutako zerrenda horretan agian agertzen ez diren eskubide erreal zein interes ekonomikoen titularrek eta interesdunek egoki irizitako alegazio guztiak aurkeztu ahal izango dituzte eta eraginpeko ondasun eta eskubideen zerrenda horretako okerrak zuzentzearren bakarrik. Alegazio horiek idatziz aurkeztu beharko dira Eusko Jaurlaritzaren Lurralde Plangintza,

Etxebizitza eta Garraio Sailean, Etxebizitza, Lurzoru eta Arkitektura Zuzendaritzan (Donostia-San Sebastian Kalea 1, 01010 Vitoria-Gasteiz, Araba), eta hori egiteko epea ondasunak okupatu aurreko aktak egiteko egunean amaituko da.

Vitoria-Gasteizen, 2021eko irailaren 2an

Lurralde Plangintza, Etxebizitza eta Garraioetako sailburua
IGNACIO MARÍA ARRIOLA LÓPEZ

Aiarako (Araba) Mankijanako Hondakin Uren Araztegia												
Finka zk	Herria	Titularra	Behin betiko desjabetzen	Aktudatutuzorrasuna	Alti baterako okupazioa	Lur-eremua	Lurzataia	Azpi-lurzataia	Eguna	Hilabete	Ordua	Udala
AY-73	Aiara	Aiara Agencia de Desarrollo	4.886 m ²			4	73		29	Iraila	10:00	Aiara
AY-74	Aiara	Aianox	2.608 m ²			4	74		29	Iraila	11:00	Aiara
AY-75	Aiara	Aiara Agencia de Desarrollo	9 m ²	689 m ²	1.137 m ²	4	75		29	Iraila	10:00	Aiara
AY-76	Aiara	Aianox	4.030 m ²	949 m ²	1.019 m ²	4	76		29	Iraila	11:00	Aiara

Laudiloko (Araba) Basaurbekeko Hondakin Uren Araztegia												
Finka zk	Herria	Titularra	Behin betiko desjabetzen	Aktudatutuzorrasuna	Alti baterako okupazioa	Lur-eremua	Lurzataia	Azpi-lurzataia	Eguna	Hilabete	Ordua	Udala
LA-72	Laudio	Juan Miguel Cereñades Gonzalez	9.595 m ²			7	72	A,B	30	Iraila	10:00	Laudio
LA-145	Laudio	Juan Miguel Cereñades Gonzalez	24.416 m ²			7	145	H,I,J	30	Iraila	10:00	Laudio